

Okwukwo izi
Pọlu gbaznennu
Taiṭosi

Nhne gbasiri okwukwo izi ka

Pọlu kwuru nhne gbasiri Taiṭosi nọ hne zị ichne ichne nọ rime okwukwo izi o gbarụ. O karu nọ ya nọ Taiṭosi sno rnu ọnu izi oma nọ Esia Matị nọ Giriṣi (2 Kọrinti 2; Galasia 2:3). Pọlu kannu a, o hohia ele risi nọ ele jeelekọta ogbako Chiokike anya nọ Kiriti.

Pọlu kannu Taiṭosi o whnu ele risi nọ ele neelekọta ogbako Chiokike bu ele, ele badnu nookwu oka oma (1:5-9). Kpakara ele sno Nyenwe aị jọbu ele bitaru ọhni be snam, ele zá neesigha oka (1:10-2:9).

Pọlu kwuru oka gbasiri ele zị ichne ichne nọ rime ogbako Chiokike ke zị nọ Kiriti. O karu nọ a nwernu rikne o wu budnu ikne kwnornu nọ Chiokike ziyaru Jizọsi Karaịsi, Chiokike znọhiaru aị, snuma aị hite nọ rikne Enine Nso, mee aị a panizo budnu ikne ke nwernu olile anya budnu kwó okwo. Chiokike znọhiaru aị kwnornu nọ o bu nye obirizi, o buo kwnornu nhne oma obula a mernu.

Nhne zị n'okwukwo izi ka

Obekwu ikwu nọ okpukpe Pọlu kpenu Taiṭosi
(1:1-4)

Ezni ele risi ogbako Chiokike *(1:5-16)*

Ezni ke Ogbako Chiokike *(2:1---3:11)*

Ezni ke o znirni Taiṭosi nọ obekwu ikwu ipne-
 aznu *(3:12-15)*

¹ Mawa, Pọlu nye izi ke Chiokike nụ nye izi Jizọsi Karaịsi. Ẹrnu m bụ o mee ele Chiokike họhiaru nwe ọkwnata ovu, ma be mahia ezi ọka ke noodubna n'otu ogwnu Chiokike,

² ma be nwehia olile anya budnu kwó okwo, hne Chiokike zá naagha aghalaghala, bụ ke o kweru mkwna sụ ọwa panizoru.

³ O mernu ikwu-ọnu a whuya iwhe n'ige ke a hite nụ ọgbasa izi ọma, bụ ke o yisiri n'aka m lele nhne Chiokike Nye Ọznohia aị nyernu n'iwu.

⁴ M naagbanu i Tajitosi nnwo m n'ezi n'okwnata ovu ke a kwekotaru okwukwo.

Oru, nụ udno ke hi n'aka Chiokike Nda aị nụ Jizọsi Karaịsi, Nye Ọznohia aị.

Ernu Tajitosi nụ rime

Kiriti

⁵ Nhne mernu me gharuru i nụ Kiriti bụ ma i bikwata nhne ke kwesiri obikwa, hohia ele okno badnu nụ rime eli-ohna obula, lele kpa me kannu i.

⁶ Nye okno badnu kwesiri o bụ nye nwée ọtna, nye lu otu nnwerne, nye nwernu rumu be tukwasiri mkpoma, nye kpahie agwa, ele mee risi rikne.

⁷ Kwnornu nụ nye risi jobu nye nwée ọtna lele nye izi Chiokike, nye mee n'iche ovu a, wé ovu ehi wara wara, nye zá nonwo manya gbu ogbu, nye mee nhne rikne, nye nwée owho-anya.

⁸ O jobu nye neelekota ele izne, nye whnuru nhne ọma n'anya, nye zá neemewe nhne ike, nye zi snam, ziri nsọ, nye neejikwaru ehi a.

⁹ O jikwaru ọka wam ke kwesiri okwnata ovu rikne lele kpa be znirni a, ma o mesi ele berere

ovu rikne hite n'iznizni a zì snam, gesi masì ele neemegidne a nhne ojo be.

¹⁰ Agida ele kwé ekwe nooduwhu ele berere hite nù ikwu-ònu etekne, ke kakwo ele knesnigwù omen'èli ele Ju aka rikne.

¹¹ Be kwesiri o mee be kpusni ònu be, ele noolulu agwna ezi-nù-òro, ele neezni nhne be kwésile o zni, kwnornu iwai.

¹² Otu nye owhnurninya be, nye Kiriti, karù kpa, “Ele Kiriti bù ele aghalaghala, ele ovu ojo lele anòhia, ele ime-mgwù, nù ele okne nkòli.”

¹³ Nhne o kwuru bù ezi òka, ka kpayarù bigbòsi be rikne, ma be gwuzosi rikne n'òkwnata ovu,

¹⁴ ma be gharù iznizni aghalaghala ele Ju nù iwu ele badnù ke hi n'aka ele whògaru n'èzi òka.

¹⁵ Kpakara nhne zì rìchna n'anya ele zì rìchna, kòvu nye rùru òru nù nye kwé ekwe, ò zá nhne zì rìchna, kwnornu nù akòniche be nù echiche be rùru òru.

¹⁶ Be karù nù be magwù Chiokike, kòvu ẹnu be neegesi nù be nògonahoru a. Ele sò ize, ele risi rikne, ele nwée rikne mee nhne òma òbula.

2

Iznizni zì snam

¹ Gbalì zni iznizni zì snam.

² Ele okno badnù nwernu anya udno, ele nwernu òso n'anya, ele zá neemewhe nhne ike, ele zì kwem n'òkwnata ovu be, nù owhnun'anya nù ndidi.

³ Ele okno badnù ele rinya masì wuru bùdnu lele ele zì nsò, ele zá noobno ele berere nhne, ele zá

n̄onwo manya gbu ogbu, ele neezni nhne b̄uru
 Ọma,

⁴ ma be zni ele nnwerne ikne anya udno, whn̄u
 nzi be n̄u r̄umu be n'anya.

⁵ Be kwesiri ọ b̄uru ele zá neemewhe nhne ike,
 ele z̄i r̄ichna, ele rinya neelegidne ọro be anya
 nkari, ele noobnonu nzi be nsni, ma ele badn̄u
 gharu ọ kaja ikwu-ọnu Chiokike.

⁶ Kpam masi, neezni r̄umu ikoro ma be b̄uru ele
 zá neemewhe nhne ike.

⁷ N̄u kpakara nhne i neeme, gesi ẹhni i nye ọma
 at̄u n'ẹrnu ọma. N̄u nhne i neezni gwuzosi rikne n̄u
 rime a, nye anya d̄uru ẹli.

⁸ Ikwu-ọnu b̄uru ọma ma nye ọbula ke
 neemegidne i tu iwhnerne hne be nwée nhne
 ojo be jeeji nookwugidne ai.

⁹ Zni ele ọhi be bnonu ele nwe be nsni n̄u
 kpakara nhne, neeme nhne j̄oso be n'ọnu, be s̄a
 ọka nga be nookwunu be ọka.

¹⁰ Be zn̄u nhne ele nwe be, k̄ovu be gesi n̄u be
 j̄otukwasi be mkpoma, neegesi nhne ọma ke z̄i n̄u
 iznizni Chiokike Nye Ọznohia ai n̄u kpakara nhne.

¹¹ Oru Chiokike ke neegweya ọznohia wh̄uyaru
 iwhne hne kpakara ele badn̄u z̄i,

¹² neezni ai a s̄igbasi nhne n̄ogwnu an̄o-ẹhni ai
 n'owa, n̄u b̄udnu ke zá n̄otu ogwnu Chiokike, a
 wuru b̄udnu ele zá neemewhe nhne ike, ome mma,
 n̄otu ogwnu Chiokike n̄u rime ọwa ka.

¹³ A nwernu olile anya z̄i nḡozi, b̄u ọ wh̄uya
 iwhne igwugwu ke Chiokike hna ezi n̄u Nye
 Ọznohia ai Jiz̄osi Karāsi.

¹⁴ Ọ b̄u nye gweru ẹhni a nyee n'ọnodi ai ma ọ
 gbah̄ia ai n̄u rime nhne ojo, b̄itannu ẹhni a ele ke a,

ele zì rìchna, ele ovu neerne bẹkwnu n'ẹrnu ọma.

¹⁵ Zni kpakara nhne ka, naakwnagidne, bna mbna nù kpakara rikne i nwernu. I kwé badnù ọbula ledna ì anya.

3

Budnu nye Karaìsi

¹ Chenwanyanù ele badnù be bíta ẹhni be nù mkpururu ele risi nù ele nẹchi ẹchi, noobno nsnì, jiknernu ọ rnù ẹrnu ọma,

² be kwúkọ ọka ọjo megidne badnù ọbula, be bọru ele udno, ele agwa ọma, ele ovu hieru ẹli hne kpakara ele badnù zì.

³ N'ige mbọm, a bọ ele iwhnirniwhno, ele zá noobno nsnì, ele be duwhuru, noosno agìda nhne ọjo zì ọdo nù ọdo ke nọogwnu aì, a wuru budnu ọjo, kwno awuwa, be snornu aì irno, aìla sno masì be irno.

⁴ Kọvu nga ovu ọma nù ọwhnun'anya Chiokike Nye Ọznohia aì whọyaru iwhne,

⁵ ọ znọhia aì, ọ búo kwnornu ẹrnu ọma a rnùrnù, kọvu kwnornu obirizi a. Hite n'ọsnusnu ke ọmu berere, Enine Nsọ nyernu aì budnu ikne.

⁶ Chiokike wụkwasiri aì Enine Nsọ k'agìda hite nù Jizọsi Karaìsi Nye Ọznohia aì.

⁷ Hne o gwnùrnù aì lele ele mee mma hite n'oru, a bọru ele neekẹhía olile anya budnu kwó okwo.

⁸ Ka bọ ọka kwesiri ọkwnata ovu. M naakaa, jì kwusi a rikne ma ele kweru nù Chiokike bọru ele anya dọru ẹli, neeme nhne bọru ọma. Kpakara nhne ka bọru ọma naabna iru hne ele badnù zì.

⁹ Kọvu zeru ajiji iwhnirniwhno, nụ ọgwu rẹwhna ẹbnurnu, oknorno, ọlu ọgwu kwnornu iwu, be bnána iru, be bụ nhne etekne.

¹⁰ Dọ nye ọbula ke neegweya okewa aka nụ nsni mgba lawuru, i mekwo, gharu a.

¹¹ I magwu nụ badnụ kị bụ nye aghorome, nye mmehie, ọ bụ nye naama ẹhni a ikpe.

Ezni ipne-aznu

¹² Nga me jeeziya Atemasi nụ Taiikosi, hna anụ zi, gbalị vakwnusi m nụ Nikopolisi, kwnornu nụ m jaadazi pịi n'ige okirika.

¹³ Gbalị yisinu Zenasi nye ọgwu iwu nụ Apọlosi aka n'izne be, whnụ nụ be nwehjaru nhne ọbula be pioru.

¹⁴ Ele ke aị mụhia kpa be jeeji ige be rnu ẹnu ọma, rnhia nhne zi mkpa, be wukọ badnụ bnána nụ nhne.

¹⁵ Kpakara ele me nụ be zi neebekwu i. Bekwu kpakara ele whnurnu aị n'anya nụ rime ọkwnata ovu. Oru Chiokike dazinu kpakara anụ.

Tesitamenti Ikne n'O_{nu} Ikwere **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwerre - (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

© 2010, The Nigeria Bible Translation Trust.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022

c17ee3a1-1c7a-5c05-8e0f-5043e8228d89